

ВЛКСМ-нь Мордовский
обкомть и Саранскяень
горкомть газетасна

Адресс: г. Саранск, ул. Ленина 11,
телефон № 1-72

ФЕВРАЛЬТЬ
18-це ШИСТОНЗА
1938 КИЗОНЯ
20 (536)

Лисенди ковти 12-кетъ.

Комсомолец Вайгяль

Серго ялгать эряфоц—тя величайший пример сембе комсомолецнени, советский сембе од ломаттнени. Тя эряфсь полностью ащесь коммунизмати и тя коммунизмать инкса сон ульсь прожитай. (КОСАРЕВ).

Великий пролетарский революционер

Февральть 18-це шистонза топодсь ровна киза, кода паралич урмать эзда кулось великий пролетарский революционерсь, гражданский войнать железный полководец, подлинный ленинец, массань выдающий организаторсь, советский машиностроения творец, Григорий Константинович Орджоникидзе ялгась.

Партия, рабочей классь и сембе советский народь сатозе аф азомшка оцю горя. Серго Орджоникидзе ялгать куломац—тя инь оцю утрата партии и советский правительствати. Партия и сембе советский народь юмафгозь великий, пролетарский, пламенный революционерсон, партия фкя инь выдающий строителен, партия единстван инкса непримиримай бореть, Ленинонь Сталинонь выдающий соратниксон.

Серго Орджоникидзе ялгать инь славной эряфонь и работань деятельности—тя большевистский партия и социалистический революция героический история. Серго Орджоникидзе ялгать эряфоц и сонь сембе работа неразрывна соф партия и пролетарский революция история мархта. Сон большевистский партия и пролетарский революция героический исторический сувасть, кода Ленин ялгать фкя инь верный ученик, кода верный ученик и маластонь друг Сталин ялгати. Сон Сталин и Ленин ялгатнень мархта марса мольсь Советский Союзса социализмать тиemanц инкса. Сон фкявок аськолкс ашозь аеркшне шири ленинский кить эзда, сон ульсь непоколебима, стойкой, бесстрашной большевик. Сон ульсь большевизмать пламенный рыцарь, ульсь непримиримай большевизмать врагонзонды, оппортунизми, маловерияти, чествома политиканствати, шава фразерствати и ст. тов. Ленин и Сталин ялгать противниконза, ульсь и противниконкс Серго Орджоникидзе ялгатига. Сяс Серго Орджоникидзе ялгать сембе эряфоц йотась большевистский партия единстван и чистотан инкса тюремаса.

Серго Орджоникидзе ялгась, кода профессиональный революционер, царизмать пингста испытал тюремаса, каторгаса сембе стака эряфть. Сон тя инь стака эряфса кемокстась кода пролетарский революция разумный строитель и тактик, гражданский войнати легендарный полководец. Нелегальный революционной работаса Орджо-

никидзе ялгать кассь массань организаторский способностец.

Пролетарский революция и гражданский войнась Серго Орджоникидзе ялгать кепезде огромной исторический высотати, рабочей класси выдающий руководителкс. Фронтса сон создавал революционной армия, Кавказса организовандакшнезе народть содружестванц.

Великий пролетарский революция и гражданский войнась аделавсь. Тюремась сембе мольсь. Большевистский партиясь доверил Серго Орджоникидзе ялгати социализмать тиemanц эса контроль, партия рядонзон чистотасон инкса контроль. Партиясь путнесы Серго ялгать ЦКК-ти и РКК-нь наркомти председателкс. Тя работаса Орджоникидзе ялгась няфть орлиной зоркость и львиной мужества. Няфтезе большевистский партия эсь прямотанц и мужестванц. Сон пощадафтома разоблачандакшнезень предательхень, двурушникхень, примерененень и сембе троцкистско-бухаринский падалть. Партия сембе врагонзонды Орджоникидзе ялгась наносил сокрушительный удархт.

Работамок тяжелой промышленности наркомкс, Орджоникидзе ялгась няфть исключительной работа социалистический промышленности инь важнейшей участканц восстановления эса. Орджоникидзе ялгась и тяжелой промышленности, тя триумф социалистический строительства эса. Аф стак Орджоникидзе ялгать лемдезь социалистический индустрия командармакс. Сон социалистический индустрия вятезе победата-победас.

Серго Орджоникидзе ульсь социалистический труда поистине поэток. Сон оценил и возглавил стахановский движения. Сон тяжелой промышленности сатезень выдающий сембе рабочейхень, аф анычек лемс и фамилияс коря, но и сатезень сын бытсон и эрямань условиясон.

Серго Орджоникидзе ялгать лемок, сон колганза памятьсь, сембе инь славной эряфоц, кармай эряма коммунизмать строителензон векса. Сон ульсь советский народти блестящий рыцарь, человечествати бесстрашный защитник, пролетарский революция легендарный геройкс, конанц эса отвагась и скромность, мужество и простотась, няфнезь сонь подлинный красотанц.



Г. К. Орджоникидзе.

Советский машиностроения творец

Аш валхт, штоба азомс горестень мялхень, конатнень переживаем нят минутатнень пингста. Лоткась пиксомда боевой большевик, боевой революционер, советский индустриализация, советский машиностроения творецонц седиен.

Лятфневихть йотай кизотне, васенце пятилеткать планонц осуществления инкса тюреманы кизотне. Сембе странась ульсь строительной вирьса. XVI-це исторический партийнай с'ездть трибунаста сембе странать эзга сратсь Сталин ялгать боевой призывоц—сяда виензафтомс наступления социалистический строительства сембе фронтонц эзга.

Кассть гигантский заводт, фабрикат, электростанция, шахтатне и рудникне. Велеса келиста развернулась коллективизация. Сон вешсь тракторхт, горячий теест, комбайнат, сеякат, молотилкат. Транспортсь вешсь ваготт, паровост и уголь. Эстеенза тяжелой индустрия необходима эрявьсь станокт.

Сембе странась эрявьсь снабдиндамс машинаса и механизмаса. Промышленность задачанза ульсь грандиознайхть. И нят задачатнень решениясон партиясь поручидазе Ленинонь и Сталинонь выдающий учениконцты, бесстрашной большевикти, кипучай энергия мархта ломантти—Серго Орджоникидзе-ди.

Большевик-организаторонь сембе страстностенц, настойчивостенц и талантонц мархта Серго ялгась кярмодсь тяжелой промышленности технический перевооружениянцты, и васендакига советский машиностроения развитиянцты и кемокстаманцты. Лятфневихть Орджоникидзе ялгать валонза, конатнень азозень сон маластонь сотрудниконзонды, конат састь марса сонь мархтонза Рабоче-Крестьянский инспекция Народный комиссариатста и Народный Хозяйствань Высший Советста:

— Панья контролировандамс лятнень. Партиясь мярьгсь теянек работамс хозяйственной фронтса. Карматама работам! Работата лама.

Орджоникидзе ялгась виензафть афняемшка энергия. Сон работась, аф няежок, мзярда малаткшнесь весь и сашондсь шись. Тяфтама проблемань вереница ащесь ся пингста тяжелой промышленности инголе. Сембонь эса эрявьсь шарькодемс, сембе эрявьсь тонадомс.

Перегруженной партийнай и хозяйственной оцю тевса, сон всегда маштсь вникать эрь шинь практический детальхенди. Изумительной тонкость и дальновидность мархта сон решаандакшнесь сложной вопрос, маштозь путнезень ломаттнень, четкайста сын индустрировандакшнезень и систематически проверякшнезень исполнения. Сонь кельголезь!

(Полатксоц 2-це страницаса)

Иванов ялгать съормац и Сталин ялгать ответоц

СТАЛИН ялгати

Курский областень, Мантуровский районень ВЛКСМ-нь районнай комитетонь штатнай пропагандистъ—Иванов Иван Филипповичъ эзда.

Кельгома Сталин ялгай, убедительнайста кизефнеть азондомс тейне тяфтама кизефксть: минь вастсонок, да и комсомолонь обкомсонга минь странасонок социализмать окончательнай сяськоманц колга ули двоякай шарьхкодема, лиякс мярьгомс путандакшнесазь противоречиянь васенце группать омбоцетъ мархта. Тонь—Советский Союза социализмать судьбанзон колга труттнень эса речсь моли противоречиянь кафта группатнень колга—внутреннийхнень и внешнийхнень колга.

Противоречиянь васенце группать колга шарьхкодеви, што минь синь разрешили—социализмась странать потмоса сяськсь.

Монь мялезе получаю ответ противоречиянь омбоце группать колга, лиякс мярьгомс социализмать и капитализмать странатнень йоткса. Тон няфнесак, што социа-

лизмать окончательнай сяськомась означает внешний противоречиянь разрешения, ули полной гарантия интервенция эзда, а следовательно на капитализмать реставрация эзда. А противоречиянь тя группась разрешила аныцек сембе странань рабочайхнень усилияснон вельде.

Да, и Ленин ялгаскя тонафнемась минь—„окончательна сяськомс можна аныцек мировой масштаба, аныцек сембе странань рабочайхнень усилияснон вельде“.

Улемок ВЛКСМ-нь обкомса штатнай пропагандистонь семинарса, мон основываю Тонь труттнень лангс, азыне, што социализмать окончательнай победась может улемс мировой масштаба, но обкомовский работникне—Уроженко (обкомонь васенце секретарь) и Козелков (пропагандань тефнень колга ин-

структорсь) монь выступленизень квалифицировандакшнесазь, кода троцкистский вылазка.

Мон ушодонь теест лувондома тя кизефксть колга цитатат Тонь труттнень эзда, но Уроженкось мерьгсь тейне сьолгомс трехтомникть, азомок, што „Сталин ялгась корхтась 1926 кизоня, а минь уже имеем 1938 к., эста минь ашоль окончательнай сяськоманьке, а тия ули и тейнек тия арьсемска интервенция и реставрация колга аф эряви“; сяда тов, сон корхтай—„минь тия имеем социализмать окончательнай сяськома и ули полной гарантияньке интервенция и капитализмать реставрация эзда“. И тяфта монь лувомась троцкизмать пособинокс, валтхомась пропагандистский работа и лутозь кизефксть комсомолса улемазень колга.

Энелдьян, Сталин ялгась, азонтк

—ули ли минь социализмать окончательнай сяськоманьке или пока нингя аш? Может быть современностьса изменениянень мархта мон нингя ашонь му дополнительнай современной материал тя кизефксть колга.

Мон станя жа лувондса Уроженкотъ заявленияц антибольшевистскийкс, што Сталин ялгать тя вопрозь колга трудонза аф ламода сиредсть. И правильнайста ли поступили обкомонь работникне, лувомок монь троцкистокс. Тя тейне пяк обидна и оскорбительна.

Эняльдьян, Сталин ялгась, тят атказа эняльдемазень эзда и макст ответ тяфтама адресс коря—Курский обл., Мантурский район, Засемский 1-це в/совет Иванов Иван Филипповичи.

И. ИВАНОВ.

18,1 38 к.

ИВАНОВ Иван Филиппович ялгати ответ

Тонь, конешна, видеце, Иванов ялгай, а Тонь идейнай противникнень, лиякс мярьгомс Уроженкотъ и Козелковъ—аф видесна.

И вов мес.

Несомненна, што фкя странаса социализмать сяськоманц колга кизефксть, тя случаяса, минь странасонок—улихть кафта различнай ширенца.

Минь странасонок социализмать сяськоманц колга кизефксть васенце ширец обнимандакшнесыне минь страньконь потмоста клас-

сень взаимоотношения проблемаснон. Тя—внутренний отношения областсь. Может ли минь странаньконь рабочай классонь преодолендамс минь крестьянстваньконь мархта противоречиянень и ладямс сонь мархтонза сотрудничествань союз? Может ли минь странаньконь рабочай классонь минь крестьянстваньконь мархта союза страфтомс минь странаньконь буржуазиянц, сявомс сонь кядьстонза модать, завоттнень, шахтатнень и ст. тов. и стро-

ямс эсь виензон мархта классфтома од общества, полной социалистический общества?

Тяфтапт проблематне, конат содонтфт минь странасонок социализмать сяськоманц колга кизефксть васенце ширенц мархта.

Ленинизмась нят проблематнеди отвечакини положительнайста. Ленинъ тонафты, што „минь ули полной социалистический обществань строямати сембе необходимаеньке“. Стало быгь, минь можем и должеттама эсь виеньконь мархта одолендамс эсь буржуазияньконь и строямс социалистический общества. Троцкий, Зиновьев, Каменев и лия господатне, арамок мекпяти фашизмат агентокс и шпионкс, отрицандакшнесь минь странасонок социализмать строяма возможность лия странатнень эса, капиталистический странатнень эса, социалистический революциять предварительнай сяськомафтомонза. Ня господатнень посути дела мяльснон шарфтомс минь странаньконь фгалу, буржуазнай развитиянь кити, кяшондемок эсь отступничесаснон лия странатнень эса „революциять сяськоманц“ лангс фальшивай ссылкой. Тянь колга именна и молись минь партияньконь споронят господатнень мархта. Минь странаньконь сяда товодонь вислгодомань молемац няфтезе, што партиясь ульсь виде, а Троцкий и компаниясь ульсь аф видит. Ибо тя пингста минь кенерема ни машфтомс эсь буржуазияньконь, ладямс братский сотрудничествас эсь крестьянстваньконь мархта и строямс в основном социалистический общества, афваномок лия странатнень эса социалистический революциять сяськоманц аф улеманц лангс.

Тяфта ащи тевсь минь странасонок социализмать сяськоманц колга кизефксть васенце ширенц мархта.

Мон арьсян, Иванов ялгай, што Тонь спорце Уроженко и Козелков ялгатнень мархта касаетса кизефксть аф тя ширенцы.

Минь странасонок социализмать

сяськоманц колга кизефксть омбоце ширец обнимандакшнесы минь странаньконь лия странатнень мархта, капиталистический странатнень мархта, взаимоотношения проблеманц, минь странаньконь рабочай классонц лия странань буржуазиять мархта взаимоотношения проблеманц. Тя—внешний, международный отношения областсь. Может ли, фкя странань победившай социализмась, конанц кружесазь вию лама капиталистический странат, лувондомс эсь прянц вполне гарантированной военной вторжения (интервенция) опасност эзда, и, стало быть, минь странасонок капитализмать возстановления попытканень эзда? Могут ли минь рабочай классоньке и минь крестьянстваньке эсь виензон мархта, капиталистический странань рабочай классъ серьезнай лезксфтомонза, одолендамс лия странань буржуазиять тяфта жа, кода синь одолендазь эсь буржуазияснон? Лиякс корхтамс: можна ли лувомс минь странасонок социализмать сяськомац окончательнайкс, лиякс мярьгомс свободнайкс военной нападениянь опасностнень и капитализмать возстановления попытканень эзда, тяфтама условияса, што социализмать победа ули аныцек фкя странаса, а капиталистический окружениясь мольти существования?

Тяфтапт проблематне, конат содонтфт минь странасонок социализмать сяськоманц колга кизефксть омбоце ширенц мархта.

Ленинизмась отвечакини нят проблематнеди отрицательнайста. Ленинизмась тонафты, што „социализмать окончательнай сяськомац буржуазнай отношениянь реставрация эзда полной гарантия смысла возможна аныцек международнай масштаба“ (ватт ВКП-нь XIV-це конференциять известн. резолюциянц.) Тя значит, што международнай пролетариатъ серьезнай лезксон ащи стама виикс, конаф-

(Полатксод 3-це страницаса)

Советский машиностроениять творецоц

(П Е Ц)

Серго Орджоникидзе тийсь Советский могучай машиностроения. Аш народнай хозяйствань стама отрасли, конанди аф работай машиностроительнай промышленность.

Партийнай XVII-це конференцияса Серго ялгась тракторнай завоттнень успехснон колга корхтась. Сембе эсь скромностенц мархта сон ашоэ аз сянь, што сонць шидашис занимаандакшнесь тракторнай завоттнень тевснон мархта, заботендась синь оцю и йолма нуждаснон колга. Сон кучсь тракторнай завоттнени чу-гун мархта маршрут. Сон кемотть предприятия заставась Сталинградский и Харьковский тракторнай завоттнень конвейерсонды кярьмоме механизмань анокламати. Сон беспокился цехнейди инструментнень и станокнень колга, заводской столовайхнейди мебельхнень колга, спец-одеждатнень и лабораторнай оборудованиянень колга. Но инь лама забота сон няфнесь ломаттнень колга, советский кеме индустриализациять строителензон и работниконзон колга.

Мзяра труда, мзяра вийда путсь Серго Орджоникидзе автомобильнай промышленность развитиянцы! Сон кучсезень инженерхнень и рабочайхнень лия мастору, вешь синь эздост, штоба тонадолезь сембе новейшайт, ме-

зе ули инголи моли ферматнень эса, конат максесть оборудования автомобильнай завоттнени. Сон систематически якаль Сталин ялгать лемса Московский автомобильнай заводу, якась Горьковский, штоба лична проверямс, кода касы советский автомобилестроениясь.

Высокай принципиальность, настойчивость, замечательнай искусствась мушондомс тьожатть проблематнень йоткста основнотъ—Орджоникидзе ялгать нят качества за обеспечендазь тяжелой промышленности успехонзон. Сон ульсь пяк требовательнай эстиезонга и лиятненидга. Сон вешь исключительнай честность и прямота.

Сонь пламенный седице ашозь сода ваймама ши. Горячайста и бурнайста работамок, сон распространяндакшнесь минь великай странаньконь промышленностенц сембе отрасляванза эсь исключительнай виенц, большевистский страстностенц.

Тя пламенный сидись лоткась пиксомда. Тяни аш минь кельгома Серго ялганьке!

Кодема стака йотафтомс эряфса маластонь ломаттть, руководителть и ялгать куломац!

Прощай, кельгома ялга и учитель! (М. М. Каганович. Сявф 1937 кизонь февральть 19 шинь „Правда“).

ИВАНОВ ИВАН ФИЛИППОВИЧ ЯЛГАТИ ОТВЕТ (пец)

тома аф может улемс разрешеннай фкя странаса социализмат окончательнай сясыкоманц колга зада-чась. Тя, конешна, незначит, што минь минць должеттама ашемс, кядень путозь, лия масторхнен ширде лезксонь учезь. Мек лангт, международнай пролетариатт ширде лезксэ должен улемс со-донтф минь работаньконь мархта странаньконь оборонанц кемоқта маса, Якстерь армиять и Якстерь флотт кемоқтаманц эса, сембе минь странаньконь мобилизациянц эса военной нападениять и буржуазнай отношениян реставрациян попытканень каршос тюремат.

Вов мезе корхтай тянь колга Ленинць:

„Минь эрятама аф анычек го-сударстваса, но и государства-вань системаса, и Советский республикаты рязок империалистический государстватнен мар-хта существование лама пингс немислима. В конце концов ли-ба фкясь, либа омбоцесь сясыки. А пока тя песь сай, Советский республикаты и буржуазнай го-сударстватнен йоткса лама са-май ужаснай столкновениене неизбежнахть. Тя значит, што господствующий класс, проле-тариатс, кда анычек сонь мя-лец, и кармай господствованда-ма, должен няфтемс тянь и эсь военной организациянц мархта“ (т. XXIV, стр. 122).

И сяда то:

„Минь кружафтама ломанца, класснен мархта, правитель-стватнен мархта, конат откры-та выражаданкшихть ненависть тейнек. Эряви меляфтомс, што всякай нашествиять эзда минь всегда шиярьня лангсотама“ (т. XXVII стр. 117).

Азф оржаста и кемоста, но честнайста и правдивайста, при-красфтома, кда маштсь корхтама Ленинць.

Нят предпосылкатнен основаса Сталинов „Вопросы ленинизма“ эса ульсь азф:

„Социализмат окончательнай сясыкомац тя интервенциять по-пытканзон эзда полной гаран-тия, а значиг, и реставрациять эздонга, ибо реставрациянь ко-нашкавок серьезнай попыткась может иметь васта лишь лия масторхнен ширде серьезнай поддержкат пингста, лишь меж-дународнай капиталт поддерж-канц пингста. Сяс и сембе стра-нань рабочайхнен ширде минь революцияньконь поддержкац, а тем более хотяба кой-кона-странатнен эса нят рабочайх-нен сясыкомасна ащи васенце сясыки странати полной гаран-тиянь необходимой условияк интервенциянь и реставрациянь попытканень эзда, социализ-мат окончательнай сясыкоман-цты необходимой условияк.“ („Вопросы ленинизма“, 1937 к., стр. 134.).

В самом деле улеьба смешно и глупа коньцемсельмотне капи-талистический окружениянь фактть лангс и арьсемс, што минь внеш-ний врагоньке, например, фашист-не случайста аф тяряфтыхть ти-емс военной нападения СССР-ть лангс. Тяфта могут арьсемс аны-чек сокор бахвалатне или кяшф вракне, конатнен мялсна матод-фтомс народть. Аф менее смешно улеьба отрицать, што военной интервенциянь сембодонга йолма успехонь случайста интервентне тяряфтыхть срафтомс советский-стройть и возстановить буржуаз-най стройть райоттнен эса, ко-натнен занясаз синь. Разве Де-жинкин и Колчак ашозь восстано-виндакшие буржуазнай стройть

райоттнен эса, конатнен синь занцезь? Мезь мархта фашистне сяда цебарьхть Деникинть или Колчакть коряс? Отрицандамс военной интервенциянь опасность и реставрациянь попыткаць капи-талистический окружениять уле-манц пингста могут анычек голо-вотяпне или кяшф вракне, конат-нен мялсна кяшемс бахвальст-васа эсь враждебностьсон и ко-нат старандахть демобилизован-дамс народть. Но можна ли лувомс фкя странаса социализмань сясы-комат окончательнайкс, кда ся странат перьфканза ули капита-листический окружения и кда сон аф гарантированной полностью ин-тервенциянь и реставрациянь опас-ность эзда? Содаф, што нельзя.

Тяфта ащи фкя странаса социа-лизмат сясыкоманц колга кизеф-ксть мархта тевсь.

Лисенди, што тя кизефксь кир-ди кафта различнай проблемат: а) минь странаньконь **внутренний** отношениян проблеманц, лиякс мярьгомс эсь буржуазияньконь преодолениянь и социализмань пол-най построениян проблемат, и б) минь странаньконь **внешний** отношениян проблеманц, лиякс мярьгомс минь странаньконь воен-най интервенциянь и реставраци-янь опасность эзда полной обес-печениян проблемат. Васенце проблемат минь разрешандаск-ни, сяс мес минь буржуазияньке машффт-ни социализмась строяф-ни в основном. Тянди мярьгон-дихть миньцонк социализмань сясыкома, или сяда точнайста, со-циалистический строительствань сясыкома фкя странаса. Минь мог-ли ба азомс, што тя сясыкомась арьсекшневи окончательнайкс кда ба минь странаньке улеьб остров-са и кда ба сонь перьфканза афольхть уль лама лия, капита-листический странат. Но сяс, мес минь эрятама аф островса, а „го-сударствань системаса“, конатнен эзда ламоц враждебнайста отно-сится социализмань странати, ко-нат тиендихть интервенциянь и реставрациянь опасность, то минь корхтатама открытайста и чест-найста, што минь странасонк со-циализмат сясыкомац аф ащи нингя окончательнайкс. Но тянь эзда лисенди, што омбоце про-блемась нингя апак разрешандак и сон сави нингя разрешандамс. Тя-да башка: омбоце проблемат аш-кода разрешандамс тяфтама жа порядкаса, кодамса разрешандак-васенце проблемат, лиякс мярь-гомс минь эсь странаньконь соб-ственной усилиянзон мархта. Ом-боце проблемат можна разрешан-дамс лишь международной проле-тариатт серьезнай усилиян седи-нениян порядкаса нингя сяда пияк минь сембе советский наро-доньконь серьезнай усилиясон вельде. Эряви вишкотеми и ке-моктамс СССР-нь рабочай классть капиталистический странань ра-бочай классть мархта пролетар-ский интернациональной сотксть; минь странаньконь лангс военной нападениянь случайста эряви орга-низовандамс буржуазнай рабочай классть политический лезксон минь странаньконь рабочай классонцы, равно кода организовандамс бур-жуазнай странань рабочай классти минь странаньконь рабочай клас-

сонц ширде всякай лезксонц; эря-ви сембе мератнен вельде виш-коптеми и кемоктамс минь Як-стерь армияньконь, Якстерь фло-тоньконь, Якстерь авиацияньконь, Осоавиахимоньконь. Эряви минь сембе народоньке кирдемс воен-най нападениянь опасностьн ин-голе мобилизационнай готовнос-тень состоянияс, штоба кодамовок „случайность“ и минь внешняя врагоньконь кодамовок фокуссна афолемазь сата минь врасплох...

Тонь сьормацень эзда няеви, што Уроженко ялгась кирди лия, аф йофсиленинский взглятт. Сон, ока-зывается, утверждаданкши, што „минь тяни ули социализмань окон-чательнай победаньке и ули пол-най гарантияньке интервенциять и капитализмань реставрациять эзда“. Аш сомнениит, што Уро-женко ялгась в корне аф виде. Уроженко ялгати тяфтама утвер-ждения можт улемс объясненай-лишь окружающей действитель-ность аф шарьхкодемаса и лени-низмат элементарнай положенияз-зон аф шарьхкодемаса, или жа од чиновниконь шава хвостовстваса. Кда минь в самом деле, ули пол-най гарантияньке интервенциять и капитализмань реставрациять эзда, то эряви ли тяда меле тейнек-вию Якстерь армия, Якстерь флот, Якстерь авиация, вию Осоавиахим, пролетарский интернациональ-сотксть вишкотемац и кемокта-мац? Аф сяда цебарь ли ули мил-лиартт ярмакнен, конат тушон-дыхть Якстерь армиять вишкоте-манц инкса, шарфтомс лия нуж-дави, а Якстерь армиять крьф-тамс минимумти самс, али даже распустить йофси? Тяфтама ломат-не, кода Уроженко ялгась, кда синь суб'ективна даже предан-найхть минь тевоньконди, объек-тивна минь тевоньконди опаснай-хть, ибо синь эсь хвостовствасон мархта вольна али аф вольна (тя сембе сяка!) матодфнесазь минь народоньконь, демобилизовандакш-несазь рабочайхнен и крестьян-тнен, и лездыхть вракневи между-народнай осложнениень случайть пингста сатомс минь врасплох.

Мезе касается сянди, Иванов ялгась, што тонь, оказывается, „валхтодязь пропагандистский рабо-таста и путсть кизефкс комсомол-са ащемацень колга“, то пелемс тейть тянь эзда аф эряви. Кда ВЛКСМ-нь обкомста ломатне дей-ствительна йорайхть арамс чехов-ский унтер-офицерть Пришибеевть лаца, можна аф сомневандамс, што синь тянь эса проиграют. Минь странасонк аф кельксазь При-шибеефнен.

Тяни тон можешь арьсемс, си-редсь ли „Вопросы ленинизма“-книгаты эзда фкя странаса социа-лизмат сясыкоманц колга кизеф-ксть эзда известнай вастсь. Мон ба монць пияк йоралень, штоба сон сиредель, штоба афольхть уль больше светса тяфтама аф прият-най вешат, кода капиталистичес-кий окружениясь, военной нападе-ниянь опасность, капитализмань реставрациянь опасность и ст. тов., но к сожалению, нят неприятнай вешатне сембе нингя продолжают эрямс.

И. Сталин.

Февраль 12-це шистонзз, 1938 к.

Комсомолецне аф лездыхть

Самодуровка велеса Дзержинс-кий ялгати лемса колхозса первич-най комсомольский организациясь колхозникнен йоткса аф вяти ко-дамовок массово-раз'яснительнай работа. Колхозса таячим апак петгь вельхезинвентарсь, видьмот-

не апак сортировандакт и стак-тов. Колхозонь председателсь Лношкин ялгась эрь шиня симонди винада и якай анычек базархнен-ланга.

Колхозник.

Вишкотеми партийнай руководствать комсомолса

Ленинский комсомолсь эсь ра-ботанц вятсь коммунистический партиять руководстванц вельде. Коммунистне лездыхть комсо-мольский организациятненди эрь шинь работасот.

Но аф тяфта ащи тевсь КОГИЗ-онь первичнай комсомоль-ский организацияса. Тяса комму-нистне йофси аф лувондсаз эря-виксонди сянь, штоба вятемс рабо-та комсомолецнен йоткса. Комсо-мольский организациять пуроптома пингстонзз сязомок, 1937 кизонь июнь ковста сязомок, фкявок ком-мунист вестенгя ашоль комсомоль-ский пуромкса. Парторгсь Лемя-совсь даже аф йорай интересован-дамска комсомольский организа-циять работанц мархта; сон аф со-дасы кода сон работай. Комсо-мольский пуромкса Станцева ял-гась резкайста критиковандазе парторгть Лемясовть работанц, што сон работать комсомолецнен йоткса кадонцы шири, а занима-данкши анычек хозяйственной ки-зефкса. Омбоце шинякигя Лемя-совть отношениянзз Станцева ял-гати полафтсь. Тяста няеви, што сон аф кельксы критикать. ВКП(б)-нь историянь тонафнема кружоксь 1937 кизонь июнь ков-ста сязомок аф работай, сяс мес аш пропагандист. Комитетонь сек-ретарсь Стрюковсь эрь шиня якай ВЛКСМ-нь Саранскяень горкому, штоба сон максоль пропагандист, но политтонафнемань отделть за-ведующаец максси анычек обеща-нияг.

ВКП(б)-нь Саранскяень горком-ти эрявихть примамс Лемясовть мархта мерат и лездомс комсо-мольский организацияти ладямс политтонафнемаг.

Щеглов.

Кеподемс ответственность пионерский работат инкса

Аф весть ВЛКСМ-нь ЦК-сь азонкшнезе, што комсомолсь кан-ды ответственность школаса пио-нерский организациять состояни-яни инкса. Но Саранский районь кой-кона первичнай комсомоль-ский организациятнен эса тя от-ветственность аф няеви. Тянь со-неда лама школава пионерский ра-ботась юктаф. Вов Нечаевка ве-лень комсомольский организациясь лама пинге ашозь макссе пионер-ский организациин вожатай. И тянь сюнеда пионерхнен йоткса кодамовок работа ашозь йотафнев.

Анычек нят шитнен пингста ком-сомольский пуромкса кемоқтасть пионервожатай, но тя вожа-тайсь, Ламакина ялгась, станя-жа кодамовок работа пионерхнен йоткса аф йотафни, пионерский сборхт, играт и беседт аф йотаф-ни.

Саранскяень комсомолонь рай-комсь кальдявста лезды Нечаев-кань первичнай комсомольский ор-ганизацияти. А вдь сонь основной задаца ладямс политико-воспита-тельной работат первичнай ком-сомольский организациятнен эса.

И. Дунаев.

Саранский р-н.

Аноклайхть значкистт

Малав велень полнай средняй школань ученикне образцовайста аноклайхть Якстерь Армиять и Якстерь Флотть XX-це годовщианцты. Ученикнень йоткса организовандафт ПВХО-нь и ВС-нь кружокт.

ПВХО-нь кружокса тонафни 60 ученик. Кружокт вятсы Курятников ялгась Ворошиловский стрелоконь кружокса тонафнихть 20

ученикт. Кода Курятниковсь станя и ВС кружокт вятиец Ермаковсь, занятиянень йотафнесазь аккуратнайста.

Сембе тонафнихне макссть обязательстват, штоба Якстерь Армиять и Якстерь Флотть XX-це годовщианцты максомс значекненди сембе норматнень.

Трисейкин.

Рыбкинань р.н.

Комсомольский организациясь работай калдявста

Нечаевка велень первичнай комсомольский организациясь работай пяк калдявста.

Политтонафнемась тя пингти самс апак ладак. Комсомолонь комитетонь секретарсь Шмелева ялгась туфталонди лихни сян, што аш учебникт, конац, конешна, аф виде. Сон афи думандакшнесь, штоба кярмодемс политтонафнемати.

Пропагандистсь, школань директорсь, Малышев ялгась корхтай, што сонь пяк лама тевдонза, и сяка лангс нингя урвьяссь, бта семейнай условиянза шорсикть сянди, штоба йотафнемс политтонафнемань занятият комсомолечнень йоткса.

Тяда башка, комсомолечне аф лувондыхть кодамовок газетат, конань сунедат синь аф содасазь йофси текушай политикать, аф содасазь СССР-нь Верховнай Советть решениянзон.

ВКП(б)-нь ЦК-ть январский Пленумонь решениянц комсомолечнень йоткса январь 30-це шистонза проработали Мордовский рабфаконь студентне, конат вятихть шевства Нечаевка велень „Пяти-

летка в 4 года колхозть“ лангса, а ся пингти самс Шмелева ялгась афи думандакшнесь, штоба тонафнемс лацкас комсомолечнень йоткса партиять тя важнейшай решениянц. Тяста и лисенди, што комсомолечне политически аф грамотнайхть, а партияв сувамат колга и аш месьт корхтамска.

Политико-воспитательнай работа од ломаттнень йоткса аф вятети, конань сунедат тя пингть фкявок од ломань ашозь сува комсомолу. А лама од колхозникнень улихть мяльсна сувамс комсомолу, но комсомолонь комитетсь теест аф лезды.

Эряви азомс, што ВЛКСМ-нь рабфаконь комитетсь (секретарсь Васин) калдявста лезды Нечаевка велень комсомольский организацияти, подшефнай колхозонь од ломатненди.

ВЛКСМ-нь Саранскяень райкомти эряви лездомс комсомолечненьди, штоба ладямс политтонафнемать.

Дунаев.

Саранскяень р.н.

Политтонафнемать вастс симонди винада

„Красная Поляна“ колхозонь первичнай комсомольский организациять комсоргоц Потапкинец политтонафнемать вастс симонди эрь шиня винада. Комсомолечне пятай эрь шиня якайхть Потапкинти, штоба сон йотафтоль политтонафнемань занятият, но сон синь ширезост аф йорай и ваномска, сяс мес симондеманц мархта „аш йотки“.

Январь 30-це шистонза Потапкинец начальнай школань заведующайть мархта шарондсть велень келес, вешендсть симомс вина.

Рузаевкань ВЛКСМ-нь райкомти эрявихть примамс мерат Потапкинте мархта и маластонь пингть лездомс комсомольский организацияти политтонафнемань тевть ладямансты.

А. Я. М. Н.

Люпшнесазь итнень инициативаснон

Содаф, што итнень-школьникнень самодеятельнай работаснон вельде касыхть синь способностсна, самодеятельнай работась касфтысненди, пионерхненди тя тевса должетт лездомс советский педагог не, пионервожатайхне, и комсомольский организациясь.

Но аф тяфта аши тевсь Ежкань НСШ-са. Тяса школьникнень и пионерхнень улихть мяльсна новлямс стенной литературнай газета, коза печатлакшнемс итнень рассказнон, стихотворенияснон и ст.

Аф кунара пионерхнень мархта

йотафт сбор, коса пионерхне синць пугнезь тя кизефксть. Но, афваномок тянь лангс, пионервожатайсь Баранова ялгась и школань директорсь Дорофеев ялгась люпшнесазь итнень самодеятельностснон. Синь итнненди ашость лезда тя тевса и кода няеви, афи думандайхть лездомска.

Итне эняльдихть Ковылкинань ВЛКСМ-нь райкомти и РОНО-ти, штоба синь максольхть лезкс; тяда башка эняльдихть мокшонь писательхненди штоба синь кирдельхть соткс синь мархтостилездольхть теест.

Ив.

Мес апак строякт школась и больницась?

Вертелимонь райцентраса тячимс апак строякт школась и больницась. Мезе жа шорьси тя тевти? Васендсь ся, што аф эсь пингстонза составляндакшневихть строительстванди сметатне, аф эсь пингстонза нолневи кредитсь. Тяда башка виноват МАССР-нь госпланць Сон аф максси мзярда эряволь-

хть нарятт строительнай материалонь получамс. Тянь сунедат строительнай материалсь сашондови рамсемс рынкаста 2—3 крда сядатитниста.

МАССР-нь Наркомпрости и Наркомздравти эряви максомс лезкс, штоба сядат курук аделамс Вертелимонь райцентраса школать и больницать строямаснон. С—в.

Физкультурнай хроника

Саранск ошонь „Учитель“ спортивный обществась февраль ковть 8-це шистонза откомандировал Горький ошу 10 цебарь лыжникт и лыжницат всесоюзнай команднай соревнованияс, „Учитель“ обществатнень йоткса первенствать инкса.

Февраль ковть 12-це шистонза Саранск ошонь „Спартак“ спортивной обществата тусь Москву ошу лыжниковь команда, конац примайхть участия всесоюзнай соревнованияса.

РККА-ть и Якстерь Флотть ознаменованиянцты „Учитель“ спортивной обществась совхосненди, колхосненди, МТС-нди кучи 25 лыжниковь командат, эрь командаса 5 ломатть.

Нят физкультурникне кармайхть йотафнема беседат, лекцият.

Якстерь Армиять и Якстерь Флотть XX годовщианц топодеманцты Республиканский физкультурнай комитетсь йотафты респуб-

ликанский конькобежецонь соревнования, коса примайхть участия 100 цебарь конькобежейт.

„Медик“ спортивной обществата февраль ковть 13-це шистонза тусь команда Иваново ошу лыжнай соревнованияс „Медик“ обществатнень йоткса всесоюзнай первенствать инкса, РКК-ть XX-це годовщианц и РСФСР-нь Верховнай Совету выборхнень ознаменованияснонды.

Февраль ковть 9-це шистонза Республиканский физкультурнай комитетсь откомандировал Москву ошу колхозниковь и колхозницань лыжнай команда, конат примайхть участия всесоюзнай колхознай соревнованияса.

Откомандированнай командась 2-це республиканский колхознай соревнованияса занязе васенцевастть Мордовиясь.

Поляковсь нарушандакшнесы Ленинский комсомолть линиянц

Аф весть „Комсомолонь вайгяль“ газетать лопаширесонза ульсь сьорматф Ковылкинань ВЛКСМ-нь райкомть руководителензон политический беспечностснон колга, но нят сьорматне, конаташихть серьезнай предупреждениякс Ковылкинань ВЛКСМ-нь райкомти, ашость ара нолдаф эльбияксонь исправлениянь средствас. Тянь сунедат районца комсомолечнень йоткса новлявихть антикомсомольский поступкаг. Вов например: Самодуровкань первичнай комсомольский организациясь комсоргокс работай Поляковсь, конац эсь поведенианц мархта нарушандакшнесы Ленинский комсомолть работань линиянц.

Поляковсь сян вастс, штоба ладямс политико-воспитательнай работат комсомолечнень и сембе од ломаттнень йоткса, няфнемс синьдеест цебарь кепотькс эсь прянь вятемаса, работаса и тевса, апака лотксек симонди винада и иредстонь прят нарушандакшнесыне, всякай общественнай порядкатнень, хулигандай, сюецкшни аф цензурнай валса и стак тов.

Поляковсь, работамок колхозса ревизионнай комиссиянь председателкс, ашесь вятет кодамовок тюрема колхознай паршинь салсик-

нень каршос, а меклангт сонць лезнесь синдеест тя тевса. Тяфта сон кяшондесе колхозонь ингольдень председателть Якушкинте 4000 цалковай растратанц, сяс мес сонць причастнай тя растратати, кона няеви сян эзда, што Якушкинць апака лотксек Поляковть мархта симондсь винада.

Эряви азомс и ся, што Поляковть аф комсомольский отношениянц стирьнятненди, сон вань синь лангозост кода „вещань“ лангс; недяляти колмоксть урвьяссь. Кепотьксонди сямомс стама факт: 1937 кизонь ноябрь ковста Поляковсь урвьяссь, и 3 шидат меле урвань панезе; тяфтама случаяда лама, сон паньць колма урвьят-ни.

Поляковть нят и лия безобразнай фактонза содафт Ковылкинань ВЛКСМ-нь райкомти, но мес бди мерат сонь мархтонза аф примоси, конань сунедат Поляковсь продолжает тиендемс тяфтама безобразият.

Ковылкинань ВЛКСМ-нь райкомти эряви проверямс Поляковть политической лицац и примамс мархтонза эрявикс мерат.

Комсомолец Карпунин.

Ковылкинань район.

Примосеви подписка ЭРЬ КОВНЯ ВЕСТЬ ЛИСЕНДИ „ЯКСТЕРЬ ГАЛСТУК“

идень журналть лангс, конанц нолдаец ВЛКСМ-нь Мордовский обкомсь и МАССР-нь Наркомпрось.

Журналть питнец:

1 ковс—20 трыошникт, 3 ковс—60 трыошникт, 6 ковс 1 ц. 20 трыошникт, 1 кизос—2 ц. 40 трыошникт.

Подпискать примосесазь сембе почтовой отделениятне и сьормань каннихне.

Ответ. редакторть инкса Н. АЛЕМАЕВ.

Упол. Главлито № Д—20. Заказ № 820 Тираж 3491.

г. Саранск, тип. „Красный Октябрь“